



Broj: 01/5-50-1-5-45/09

Sarajevo, 18.1.2010. godine

## Z A P I S N I K

### 45. sjednice Komisije za saobraćaj i komunikacije, održane 18.1.2010. godine

Sjednica je održana 18.1.2010., s početkom u 15,10 sati.

Sjednici su prisustvovali članovi Komisije: Slavko Matić, Selim Bešliagić, Željko Kuzmanović, Branko Dokić, Šemsudin Mehmedović, Savo Erić, Sadik Bahtić i Mehmed Suljkanović.

Opravdano je odsustvovao Husein Nanić.

Sjednici su još prisustvovali: Marija Putica i Ahmed Žilić, članovi Upravnog odbora Radio-televizije BiH, Namik Kupusović, koordinator u jedinici za implementaciju projekta Koridor 5c i Milanka Sudžum, šef Odsjeka za komunikacije u Ministarstvu komunikacija i prometa BiH, Zoran Brkić, viši stručni saradnik u Sektoru za odnose s javnošću, i Ahmed Jalovičić, sekretar Komisije za saobraćaj i komunikacije.

Sjednicom je predsjedavao Branko Dokić, predsjedavajući Komisije.

Nakon rasprave o predloženom dnevnom redu, jednoglasno je usvojen sljedeći

## D N E V N I R E D

1. Usvajanje Zapisnika 44. sjednice Komisije;
2. Izvještaj Ministarstva komunikacija i prometa BiH o aktivnostima na projektu „Autoput na Koridoru” 5c za 2009. godinu;
3. Izvještaj o radu Komisije za saobraćaj i komunikacije Predstavničkog doma u 2009. godini;
4. Inicijativa poslanika Željka Kuzmanovića za održavanje Okruglog stola o temi „Strategija razvoja transportne djelatnosti u BiH“;
5. Razmatranje inicijative poslanika Remzije Kadrića, Sadika Bahtića i Adema Huskića za „Pokretanje procedure za razrješenje Upravnog odbora Radio-televizije Bosne i Hercegovine“;
6. Tekuća pitanja:
  - a) Informacija Radio-televizije Bosne i Hercegovine povodom krivične prijave protiv članova Upravnog odbora RTVBiH;

- b) Informacija Radio-televizije Bosne i Hercegovine o promjenama u Poslovnom odboru RTVBiH;
- c) Zahtjev Radio-televizije Bosne i Hercegovine za dostavu informacije o pripremi TV kanala na hrvatskom jeziku;
- d) Informacija o dostignutom stepenu digitalizacije Javnog RTV sistema Bosne i Hercegovine.

#### **Ad. 1. Usvajanje Zapisnika 44. sjednice Komisije**

Zapisnik 44. sjednice usvojen je jednoglasno, bez primjedbi.

#### **Ad. 2. Izvještaj Ministarstva komunikacija i prometa BiH o aktivnostima na projektu „Autoput na Koridoru 5c“ za 2009. godinu**

Predsjedavajući je dao riječ predstavniku Ministarstva komunikacija i prometa BiH Namiku Kupusoviću, koji je iznio uvodne napomene o Izvještaju, a nakon toga je otvorena rasprava.

U raspravi su učestvovali članovi Komisije: Selim Bešliagić, Slavko Matić, Branko Dokić i Mehmed Suljkanović, te Namik Kupusović.

Nakon rasprave, Komisija je konstatirala da se Izvještaj smatra informacijom o aktivnostima na projektu „Autoput na Koridoru 5c“ ,te je Informaciju primila k znanju.

#### **Ad. 3. Izvještaj o radu Komisije za saobraćaj i komunikacije Predstavničkog doma u 2009. godini**

Predsjedavajući je predložio da članovi Komisije do sljedeće sjednice daju eventualne primjedbe na predloženi Izvještaj o radu i da se o Izvještaju raspravlja na sljedećoj sjednici. Prijedlog je jednoglasno prihvaćen.

#### **Ad. 4. Inicijativa poslanika Željka Kuzmanovića za održavanje Okruglog stola o temi „Strategija razvoja transportne djelatnosti u BiH“**

Komisija je podržala inicijativu poslanika Željka Kuzmanovića za održavanje okruglog stola o temi “Razvoj transportne djelatnosti u Bosni i Hercegovini“, te zadužila predlagača inicijative i sekretara Komisije da kontaktiraju Ministarstvo komunikacija i prometa BiH s ciljem dogovora i pripreme održavanja okruglog stola.

#### **Ad. 5. Razmatranje inicijative poslanika Remzije Kadrića, Sadika Bahtića i Adema Huskića za „pokretanje procedure za razrješenje Upravnog odbora Radio-televizije Bosne i Hercegovine“**

Predsjedavajući je dao riječ predlagaču Inicijative Sadiku Bahtiću, koji je iznio uvodne napomene, a nakon toga je otvorena rasprava.

U raspravi su učestvovali svi članovi Komisije, te Marija Putica i Ahmed Žilić, članovi Upravnog odbora Radio-televizije BiH.

Nakon rasprave, Komisija, s dva glasa “za”, pet “protiv” i jednim “suzdržanim”, nije podržala Inicijativu za pokretanje procedure za razrješenje Upravnog odbora Radio-televizije Bosne i Hercegovine, iz sljedećih razloga:

Komisija je konstatala da su u članu 26. st. (3) i (4) Zakona o Javnom radiotelevizijskom servisu Bosne i Hercegovine (“Službeni glasnik BiH”, br. 92/05) jasno navedeni slučajevi kada Parlamentarna skupština BiH ima ovlaštenje da donese odluku o razrješenju člana Upravnog odbora RTVBiH:

- ako član sam zatraži razrješenje,
- ako tri puta neopravdano izostane sa sjednice,
- ako ne učestvuje u radu u periodu od tri mjeseca,
- na osnovu preporuke Regulatorne agencije, ako član Upravnog odbora nije ispoštovao uslove iz dozvole Sistema i/ili dozvole BHRT-a.

Uzimajući u obzir da Inicijativa nije u skladu sa Zakonom o Javnom radiotelevizijskom servisu BiH, Komisija nije podržala Inicijativu.

Komisija je, sa sedam glasova “za” i jednim glasom “protiv”, usvojila sljedeći zaključak:

Predlaže se Predstavničkom domu da u skladu s članom 26. stav (4) Zakona o Javnom radiotelevizijskom servisu BiH zatraži mišljenje od Regulatorne agencije za komunikacije o Inicijativi za pokretanje procedure za razrješenje Upravnog odbora Radio-televizije Bosne i Hercegovine.

#### **Ad. 6. Tekuća pitanja**

##### **a) Informacija Radio-televizije Bosne i Hercegovine povodom krivične prijave protiv članova Upravnog odbora RTVBiH**

Komisija je Informaciju primila k znanju.

##### **b) Informacija Radio-televizije Bosne i Hercegovine o promjenama u Poslovnom odboru RTVBiH**

Komisija je Informaciju primila k znanju.

##### **c) Zahtjev Radio-televizije Bosne i Hercegovine za dostavu informacije o pripremi TV kanala na hrvatskom jeziku**

Marija Putica istakla je da je Upravni odbor RTVBiH iz medija saznao da uskoro započinje emitiranje TV programa na hrvatskom jeziku u trajanju od osam sati dnevno na kanalu

BHT1, te su stoga uputili dopis svim relevantnim institucijama kako bi bili informirani o aktivnostima na uspostavi TV kanala na hrvatskom jeziku.

U raspravi su učestvovali članovi Komisije: Slavko Matić, Sadik Bahtić, Šemsudin Mehmedović i Branko Dokić, te Milanka Sudžum, predstavnica Ministarstva komunikacija i prometa BiH.

Nakon rasprave jednoglasno je usvojen sljedeći zaključak:

Traži se od Ministarstva komunikacija i prometa BiH da Komisiji dostavi informaciju o svim dosadašnjim aktivnostima na uspostavi TV kanala na hrvatskom jeziku.

#### **d) Informacija o dostignutom stepenu digitalizacije Javnog RTV sistema BiH**

Marija Putica istakla je da je u aprilu 2009. godine Radio-televizija Bosne i Hercegovine usvojila Projekat digitalizacije mikrotalasnih veza Javnog RTV sistema BiH, koji je dostavljen Ministarstvu komunikacija i prometa BiH. Za realizaciju prve faze planirana su sredstva u iznosu od 7 miliona KM, te je donesena odluka da se osiguraju sredstva iz viška prihoda Regulatorne agencije za komunikacije. Do danas nisu dobili informaciju iz Ministarstva zbog čega sredstva nisu odobrena.

Komisija je jednoglasno usvojila sljedeći zaključak:

Traži se od Ministarstva komunikacija i prometa BiH i Upravnog odbora Radio-televizije BiH da u roku od 10 dana Komisiji dostave informaciju o dosadašnjim aktivnostima na uvođenju digitalne televizije u Bosni i Hercegovini.

Predsjedavajući je zaključio sjednicu u 17,10 sati.

SEKRETAR KOMISIJE  
Ahmed Jalovičić

PREDSJEDAVAJUĆI KOMISIJE  
dr. Branko Dokić

Dostavljeno:

- INDOK-u
- a/a